

CONSTITUCION DI ARUBA APROBA UNANIMEMENTE

ORANJESTAD(AAN)—Mas di 60 ora a reuni den reunionnan domestico, prome cu a pasa pa reunion publico pa trata e constitucion di Aruba y ayera el a ser aproba unanimemente.

Esaki ta trabao duro di e cantidad di expertonan, conseheronan y miembro nan di Eilandsraad y aye-

ra por a nota cu si partidonan ta desea of si nan kier nan por reuni den esfera bon poniendo interer di Aruba na prome lugar, na lugar di interer politico of partidario.

Durante e siman aki e partidonan a reuni den reunion domestico y for di diahuebs parlamento tabata trando e punto aki

den esfera di dialogonan mas fructifero entre politiconan di partido den gobierno y oposicion, asisti pa expertonan.

Di ambos banda awa a ser poni den biña y tambe cambionan necesario a tuma lugar. E tratamiento a ser considera masha positivo.

E base di e proposicion

di AVP a ser poni den e constitucion.

E asunto di justicia, a ser referi na e acuerdo di cooperacion entre Aruba y Antillas di cinco y esaki a ser inclui den articulo seis. E texto completo di e acuerdo a ser poni den e articulo aki. E partidonan ainda mester delibera ariba asunto di Rekenka-

mer. Tin un proposicion ariba mesa pa laga trabao di instituut rekenkamer ser haci door di un register accountant.

Ta ser spera cu dentro di un luna e texto nobo di constitucion, esta e texto original, cu cambionan y agregacionnan lo bini cla.

Betico Croes:

CONSTITUCION A PASA DEN PROCESO LARGO DEN REUNION DOMESTICO

ORANJESTAD(AAN)—Segun Sr. Betico Croes, cu gran satisfaccion MEP a constata cu parlamento di Aruba unanimemente a bay di acuerdo cu e proposicion di Bestuurs-

college, cual proposicion a ser trata profundamente den Comision di Independencia di Aruba, (RCOA).

El a muestra cu ta for di 1979 cu RCOA a wor-

do institui pa haci un estudio profundo pa por yega na realiza e status Aparte di Aruba den caminda pa independencia di Aruba, y ya caba cambio di Statuut a ser trata

den 1e y 2e kamer y den parlamento di Aruba, tambe den parlamento Antillano a ser trata e cambio di Staatsregeling, cambio di Eilandenregeling, y Kiesreglement.

"E constitucion di Aruba aki, nos ta considera e documento mas importante den henter e proceso aki, comoquiera cu esey ta e base, e fundeshi di e pais Aruba cu mester garantiza un funcionamiento democratico di gobierno y parlamento y cu mester garantiza cada ciudadano e derechonan fundamental di sernan humano. Principalmente e prome capitulo cu ta trata e derechonan fundamental di sernan humano ta esun cu a haya tur nos atencion. Pues durante e añanan cu a pasa tur gremionan y partidonan politico a pasa den e preparacion aki y finalmente Bestuurscollege tambe a ratifica e constitucion aki y a mande pa aprobacion na Hulanda," el a splica.

Hulanda den un carta durante luna di juli ultimo a duna su aprobacion na e constitucion aki pasobra eyden democracia derechonan humano e seguridad juridico ta ser garantiza, segun Sr. Betico Croes.

E pakico a trata tanto den reunionnan domestico ta cu partidonan politico di oposicion y principalmente AVP no a duna un aporte substancial den e preparacion den comision di independencia, y a haci nan reserva pa duna nan comentario den e reunion publico, el a laga sa.

"Comoquiera cu ta necesario 2/3 parti pa aproba e constitucion aki MEP a bay di acuerdo pa pasa den un proceso largo den reunionnan domestico pa haya nos constitucion aproba. Fundamentalmente e proposicion di RCOA y Bestuurscollege cu a haya aprobacion di Hulanda no a ser modifika", el a laga sa.

Betico Croes:

AGREGACION DI AVP DEN CONSTITUCION TA SUPERFLUO

Pa yega na consenso MEP a bay di acuerdo cu e agregacion

ORANJESTAD(AAN)—Segun Sr. Betico Croes, un di e puntonan cu AVP a considera importante a considera importante pa e constitucion, ta e ley di salvaguarda patrimonio publico manera Venezuela, den cual un funcionario por ta castigabel si e traha contra interer of comete un acto cu ta enpugna di interer di patrimonio publico.

"AVP ta insinua como si fuera ta politiconan so ta castigabel. pero den e ley di salvaguarda aki, parlamentarionan, ministronan, cualquier ciudadano y hasta juez ta castigable si nan actua enpugna cu interer di patrimonio publico", Lider di MEP a bisa.

El a bisa cu no ta manera AVP ta pretende.

"E otro punto cu AVP a propone, segun Sr. Croes ta pa bin cu un ley pa regla eleccionnan, y MEP su proposicion taba-

ta manera e ta na Hulanda tambe. Sinembargo pa por a yega na un consenso MEP a bay di acuerdo cu e agregacion superfluo aki. Di parti di MEP nos a trece dilanti cu una vez nos ta bay regla eleccionnan, nos lo bay mas leeuw cu manera e tabata hasta awor, esta cu no solamente e proceso den e campana dilanti eleccionnan mester wordo regla, sino tambe e organizacion di partidonan politico pa garantiza un funcionamiento democratico di cada partido politico," el a laga sa.

Den number di MEP y den su calidad como presidente di RCOA e kier a felicita pueblo di Aruba cu su constitucion.

"E logro aki nos ta considera un himno di inteligencia, audacia y perseverancia di nos pueblo. Pues nos ta di opinion cu no ta politiconan mester wordo poni ariba pedes-

tal, sino henter pueblo di Aruba. Mi a expresa den parlamento cu e monumento di libertad di nos pueblo no mester consisti di estatuanan di politiconan so, sino mas bien un monumento simbolizando e pueblo di Aruba.

"Finalmente mi ta gradici den number di MEP, tur partido politico cu a duna nan cooperacion, tur gremionan, clero, sindicato comercio, y tur e conseheronan cu a duna nos nan aporte substancial cu nos por a yega na aproba nos constitucion.

"E dia aki ta un dia historico pasobra pa prome biaha den historia cu Aruba mes a determina y aproba su constitucion. Loque ta e garantia pa e duracion y e preservacion di nos constitucion ta e hecho cu el a wordo aproba unanimemente reflejando e union di nos pueblo", sr. Betico Croes a laga sa.

APERTURA OFICIAL DI EDIFICIO DI CARGA

ORANJESTAD(AAN)—Mas di un añapasa e edificio di carga na aeropuerto a bini cla y a ser entrega na gobierno y ta awor cu ministro de Koning ta haci su bishita na Aruba, e lo ser habri oficialmente.

Esaki ta dialuna venide-

ro pa 4.30 or atardi.

Despues di esaki e ministro lo inicia e proyecto di Plan Sasaki cu ground breaking ceremony banda di bouwkeet cu ta keda na Eagle pariba di oficina di SVB. Esaki lo ta pa 5 or atardi.